

# Te mahere ā-rohe o Manurewa 2020

He aronga poto i tā mātou mahere



## Mihi

Tēnā kia hoea e au taku waka mā ngā tai mihi o ata e  
uru ake ai au mā te awa o Tāmaki ki te ūnga  
o Tainui waka i Ōtāhuhu.

I reira ka tōia aku mihi ki te uru  
ki te Pūkaki Tapu o Poutūkeka,  
i reira ko te Pā i Māngere.

E hoe aku mihi mā te Mānukanuka o Hoturoa  
ki te kūrae o te Kūiti o Āwhitu.

I konā, ka rere taku haere mā te ākau  
ki te pūaha o Waikato, te awa tukukiri o ngā tūpuna,  
Waikato Taniwha rau, he piko he taniwha.

Ka hīkoi anō aku mihi mā te taha whakararo,  
mā Maioro ki Waiuku, ki Matukutūreia  
kei konā, ko ngā Pā o Tāhuna me Reretewhioi.

Ka aro whakarunga au kia tau atu ki Pukekohe.

Ka tahuri te haere a taku reo  
ki te ao o te tonga e whāriki atu rā  
mā runga i ngā hiwi, kia taka atu au ki Te Paina,  
ki te Pou o Mangatāwhiri.

Mātika tonu aku mihi ki a koe Kaiaua  
te whākana atu rā o whatu mā Tīkapa Moana  
ki te maunga tapu o Moehau.

Ka kauhoetia e aku kōrero te moana  
ki Maraetai kia hoki ake au ki uta ki Ōhuiarangi,  
heteri mō Pakuranga.

I reira, ka hoki whakaroto ake anō au  
i te awa o Tāmaki mā te taha whakarunga  
ki te Puke o Taramainuku, kei konā ko Ōtara.

Kātahi au ka toro atu ki te Manurewa a Tamapohore,  
kia whakatau aku mihi mutunga  
ki runga o Pukekiwiriki  
kei raro ko Papakura  
ki konā au, ka whakatau.

Kei tēnei puka te whakarāpopotohanga o te Mahere Poari ā-Rohe. Toro atu ki te paetukutuku o Te Kaunihera o Tāmaki Makaurau,  
[www.aucklandcouncil.govt.nz](http://www.aucklandcouncil.govt.nz) mō te roanga ake o te mahere.

## **He kōrero mai i te Heamana**

Nōku te maringanui ki te whakatakoto i te Mahere o te Poari-ā-Rohe o Manurewa e whakarārangi ana i ngā mahi mō ngā tau e toru kei mua i te aroaro.

He tauhou ō tātou hapori ki te whakamahere i te āpōpō o Manurewa i raro i te korowai o te ngākaurua. Mā tēnei mahere e arataki ngā whakapaunga pūtea me te wā e whakapaungia ana te pūtea. E taumaha ana ngā tahua pūtea, he iti te pūtea moni i tēnei wā.

E ai ki ngā kōrero i whakahokia mai ai, e hiahia ana koutou i; ngā hapori e piri tata ana, ngā wāhi tūmatanui pai rawa atu, te taiao e manaakitia ana, te hapori e whai hua ai ngā tāngata i te ohaoha ā-rohe taurikura, ngā kōwhiringa aratau hāereere pai.

Nā ngā wheako o te MATE-KORONA, e matua mōhio ana mātou - ko te tangata te mea nui ka tahi, ko ngā hapori marutau, hapori aumangea, hapori ana kei te ngākau o te rohe ka rua. E mahi ngātahi ana mātou ko ngā rōpū hapori, ā, me whakahīhī tātou i te kaha o te manaaki i tēnā, i tēnā.

### **Te whakarewa ake i te oranga o te tangata.**

Kua toko ake he whāinga hōu ki tēnei mahere, he whāinga e whāia ana e tātou katoa, te tuakiri Māori taurikura i Manurewa. Ka mahi tahi mātou ko te mana whenua me ngā mātāwaka o te rohe ki te whakarewa ake i ngā kaupapa pūrākau ka tahi, ka whai wāhi atu te Māori ki ngā mahi whakamahere ā-rohe me ngā hua ohaoha ka taka iho ka rua.

Ka tautokona e mātou ngā mahi ki te hiki i te oranga whānau me te oranga tamaiti - he whakapau kaha ki te hiki i te oranga o ngā tāngata huri noa i Manurewa.

Ka hurihia e tātou a Clendon Reserve ki te wāhi e hīkaka ai, e hihiko ai te tangata - he wāhi ki te whakawhanaunga atu, ki te whakakotahi atu. Ka kawea tonutia ngā mahi ki Nathan Homestead Pukepuke, Totara Park, War Memorial Park me teihana o Te Mahia.

Ka nui noa atu ngā mahi whakawhanake i tō tātou rohe, ka nui noa atu te whakahirahira o ngā wāhi tūmatanui me ngā pāka e whakatā ai, e tākaro ai, e whakangahau ai te tangata. Ka whakatūngia ngā papa tākaro pai rawa atu ki ētahi wāhi o Manurewa, ā, ka nui noa atu ngā tūru me ngā taputapu whakapakari tinana ka tahi, ka rua ka hoahoangia ngā papa tākaro mō ngā tāngata katoa, ahakoa ngā pūkenga, ahakoa te pakeke.

### **Ka tautokona ngā kaupapa kia marutau ai, kia houkura ai te rohe.**

He kaupapa matua te marutau me ūna peka maha. Ka mahi tahi mātou ko Auckland Transport ki te whakapōturi i ngā waka huri noa i Manurewa ka tahi, ka whakapau kaha kia marutau ai ngā kura me ngā tiriti kāinga ka rua. Ka tautokona ngā kaupapa kia marutau ai te tangata ki tōna ake kāinga, ki tōna ake takiwā kāinga me ūna ake pokapū toa.

E āta piki haere ana te ohaoha o Manurewa. He waimarie nō mātou ki te mahi tahi ki ngā whakatōpūtanga pakihī ki Manurewa, Clendon, Wiri, e whakakaha ana i ngā pakihī, e

whakahaumaru ana i ngā rohe. Kei te hiahia mātou kia nui noa atu ngā tāngata nō konei e whai mahi ana ki konei, kei te hiahia hoki mātou kia tautokona ngā rangatahi kia rite ai mō te ao mahi.

E āwanganwanga ana te marea ki ngā raru āhuarangi. Mā te whakatinanatanga o te Urban Ngahere (Forest) Strategy e nui noa atu ngā kākano rākau ka whakatōngia, kia whakawhānuitia te kāuru rākau i te pae tawhiti. I te mea e noho ana tātou ki te wāhi e kitea whānuitia ana ngā mea e hangaia, he hiahia nō mātou kia ngāwari mō te tangata te toro atu ki te taiao, ngā manu, ngā rākau taketake.

Ka aro tonu mātou ki Te Mānuka-o-Hotunui me ngā arawai - ka whakarauorahia te manga o Puhinui kia pai ake te tai ao o āpōpō.

Nō mātou, te poari ā-rohe, te maringanui ki te whai wāhi ki te tautoko i a koutou. Nei rā te mihi i tō tuku kōrero mai. Ka mahi tahi tātou kia whai hua nui ai ngā mahi i runga i te ngākau manahau mō te āpōpō e wawatia ana e koe.



**Joseph Allan**

Heamana, Paori ā-Rohe o Manurewa

## **He whakarāpopotohangā o ngā kaupapa matua o te mahere**

### **Whakaotinga tahi: Ko ō tātou hapori he manaaki, he ngangahau, he hauora, he honohono hoki**

Ka whakahīhī ki tō tātou rohe o Manurewa, ā, ka rongo te tangata i te whanaungatanga, te marutau, te oranga houkura. E arahina ngā hapori manaaki e ngā hāpai ō, ā, ka kitea e te katoa te whakahirahira o ngā iwi kanorau. Ka whakakotahi ngā hui whakahihiko tangata i te hapori.

### **Whakaotinga rua: Kei te poho kererū tātou i tō tātou tuakiri Māori kaha me tō tātou hapori Māori taurikura**

Ka tuia ngā kōrero tuku iho o te iwi Māori ki ngā hapori ā-rohe, ā, ka kitea, ka rangona, ka kōrerohia te reo Māori huri noa i te rohe. Ka whai hua hoki te iwi Māori i ngā mahi ā-rohe, ā, ka whai wāhi atu te iwi Māori ki ngā whakataunga. E tautokona e tātou katoa te manurewatanga (te manurewa ora) me te manaaki i te taiao.

### **Whakaotinga toru: Kei te pārekareka ā tātou tāngata i te kōwhiringa o ngā takiwā hapori kounga, ā, he auau te tae atu ki reira**

He wāhi e muia ana ki te tangata ngā whare me ngā wāhi tūmatanui pai rawa atu, ā, kei te urutau aua whare me ngā wāhi nei ki ngā wawata o te hapori. Nā ēnei whare me ngā wāhi e whai wāhi atu ngā tāngata ki ngā hākinakina, ngā mahi ngahau, ngā kaupapa auaha, ngā kaupapa tākaro, ahakoa te pae oranga o te tangata.

### **Whakaotinga whā: Kei te tukuna e tō tātou kōtuitui haumaru, haratau ngā kōwhiringa ikiiki e hāngai ana ki ngā ngā hiahia o te hapori**

He ngāwari te nekenekē haere i Manurewa, kua tūhonotia katoatia ngā aratau hāereere tūmatanui, ngā ara hīkoi, ngā ara eke paihikara me ngā rori. Nā te tika o te rere o te pūnaha hāereere i tēnei rohe, ka kaha ake te ohaoha ā-rohe, ka kaha ake tātou nā te mea e taea ana te kōwhiri i ngā huarahi ki te whakapakari i te tinana.

### **Whakaotinga rima: Kei te tautoko tō tātou ohaoha ā-rohe taurikura i ngā tāngata o te rohe**

He wāhi noho, wāhi mahi, wāhi ngahau e tata ana ki te kāinga nā te mea he ohaoha taurikura tō Manurewa. Ka hiahia ngā pakihī ki te whakapau pūtea haumi i konei, ka whai mahi pai ngā tāngata o konei, ā, ka rite pai ai te hunga rangatahi mō te ao mahi.

## **Whakaotinga ono: Kei te kaingākautia, kei te tiakina, kei te whakahaumakotia tō tātou taiao**

Taiao ora, Manurewa ora. Ka manaakitia e tātou ō tātou taonga taiao, ka whakarauorahia ngā arawai me ngā ngahere i te tāone. E mimiti ana te tapuwae waru, ngā puha hauhā, te parataiaio. E kaha ana te kaupare o ngā hapori i ngā raru āhuarangi me ērā atu taumahatanga.

## Whakarāpopotohangā o ngā take pūtea

Ngā whiwhinga pūtea, whakapaunga pūtea, whakapaunga pūtea haumi o te Poari ā-Rohe o Manurewa mai i te 1 Hōngongoi 2020 ki te 30 Pipiri 2021.

Rārangi Tahua Pūtea ā-Tau	2020/2021 (\$000)
<b>Whiwhinga moni i ngā mahi whakahaere</b>	
Ratonga hapori ā-rohe	3,353
Whakarautaki ā-rohe me ngā mahi whakawhanake	-
Ratonga taiao ā-rohe	-
Mahi kāwana ā-rohe	-
<b>Tataunga whiwhinga moni i ngā mahi whakahaere</b>	<b>3,353</b>
<b>Whakapaunga moni ki ngā mahi whakahaere</b>	
Ratonga hapori ā-rohe	14,009
Whakarautaki ā-rohe me ngā mahi whakawhanake	989
Ratonga taiao ā-rohe	139
Mahi kāwana ā-rohe	1,109
<b>Tataunga whakapaunga moni ki ngā mahi whakahaere</b>	<b>16,246</b>
<b>More whakapaunga moni ki ngā mahi whakahaere</b>	<b>12,893</b>
<b>Whakapaunga pūtea tōpū</b>	
Ratonga hapori ā-rohe	1,710
Whakarautaki ā-rohe me ngā mahi whakawhanake	-
Ratonga taiao ā-rohe	-
Mahi kāwana ā-rohe	-
<b>Tataunga whakapaunga pūtea tōpū</b>	<b>1,710</b>

## **Ngā Mema o te Poari ā-Rohe o Manurewa**

	<b>Ngā taipitopito hei toro atu ki ngā mema</b>
	<b>Joseph Allan – Heamana</b> Waea: 021 532 762 <a href="mailto:joseph.allan@aucklandcouncil.govt.nz">joseph.allan@aucklandcouncil.govt.nz</a>
	<b>Melissa Atama – Heamana Tuarua</b> Waea: 021 198 1559 <a href="mailto:melissa.atama@aucklandcouncil.govt.nz">melissa.atama@aucklandcouncil.govt.nz</a>
	<b>Anne Candy, QSO JP</b> Waea: 021 196 0942 <a href="mailto:anne.candy@aucklandcouncil.govt.nz">anne.candy@aucklandcouncil.govt.nz</a>
	<b>Tabetha Gorrie</b> Waea: 021 197 3084 <a href="mailto:tabetha.gorrie@aucklandcouncil.govt.nz">tabetha.gorrie@aucklandcouncil.govt.nz</a>
	<b>Rangi McLean, JP</b> Waea: 021 514 718 <a href="mailto:rangi.mclean@aucklandcouncil.govt.nz">rangi.mclean@aucklandcouncil.govt.nz</a>
	<b>Glenn Murphy</b> Waea: 021 198 0892 <a href="mailto:glenn.murphy@aucklandcouncil.govt.nz">glenn.murphy@aucklandcouncil.govt.nz</a>
	<b>Ken Penney</b> Waea: 021 287 2244 <a href="mailto:ken.penney@aucklandcouncil.govt.nz">ken.penney@aucklandcouncil.govt.nz</a>

	<b>Ngā taipitopito hei toro atu ki ngā mema</b>
	<b>Dave Pizzini</b> Waea: 021 193 8905 <a href="mailto:dave.pizzini@aucklandcouncil.govt.nz">dave.pizzini@aucklandcouncil.govt.nz</a>



---

© 2020 Auckland Council  
Auckland Council, Manurewa Local Board

ISSN 2253-1092 (Print)  
ISSN 2230-6722 (PDF)

Auckland Council disclaims any liability whatsoever in connection with any action taken  
in reliance of this document for any error, deficiency, flaw or omission contained in it.